

SCRIPT OF EVENING GOJRI NEWS BULLETIN 31JAN 2026 1700HRS

اوننگ گوجری نیوز بولیٹن 31 جنوری 2026

\*\*\*\*\*

یوہ آکاشوانی جموں ہے نصرت تے طارق ابرار تیں خبر سُنو۔

\*\*\*\*\*

HEADLINES

- ۱۔ مرکز نے آئی۔پی۔ایس افسراں نانہہ آئی۔جی۔پی گا عہدہ غی اہلیت واسطے مرکز مانہہ دو سال کم کرن غو حکم نامو جاری کیو ہے۔
- ۲۔ کشتواڑ گا دولگام علاقہ مانہہ سلامتی دستاں گو دہشت گرداں سنگ دوبارہ تیں رابطو قائم ہوو تے کاروائی جاری ہے۔
- ۳۔ شمالی ریلوے اج کٹرا سرینگر روٹ ور خصوصی ریل چلا رئی ہے۔
- ۴۔ بی۔آر۔او نے جموں کشمیر ناں ہماچل سنگ جوڑن آلی 112 کلو میٹر لمی کشتواڑ سناسر سڑک نال بحال کیو ہے۔
- ۵۔ کٹھوعہ غی برف سنگ لدی پہاڑیاں غے بشکار سرتھل ونٹر فیسٹیول 8 فروری ناں سرتھل ماں منایو جے غو۔

\*\*\*\*\*

HM IGP

مرکزی حکومت نے یوہ فیصلو کیو ہے کہ آئی پی ایس غا افسر جھیڑا ایس ایس پی تے ڈی آئی جی غا عہدہ ور بین اُنہاں نانہہ آئی جی پی غا طور ور مرکز حکومت مانہہ کم کرن واسطے دو سال غو مرکزی تجربو لازمی وے غو۔ یعنی کوئی وی افسر اگر آئی۔جی۔پی غا عہدہ ور آنو چاوے، تے اُس نانہہ پہلاں دو سال مرکز مانہہ کم کرن غو تجربو ہونو چاہیے۔ مرکزی داخلہ وزارت نے اس بارا مانہہ تمام ریاستاں گا چیف سیکرٹریاں نانہہ خط لکھیو ہے۔ یے اصول 2011 غا بیچ گا افسراں ور لاغو وے گو۔ اس غو مقصد یوہ ہے کہ اعلیٰ افسراں غے کول زمینی سطح ور کم کرن غو مناسب تجربو وے۔

\*\*\*\*\*

ENCOUNTER DOLGAM

کشتواڑ ضلع غا دولگام چھاترو علاقہ مانہہ اج سویرے دہشت گرداں تے سلامتی دستاں بشکار ٹاکرو شروع بو گیو بے سماجی میڈیا غی اک پوسٹ ور جانکاری دیتا واں واٹ نائٹ کور نے دسیو بے جے علاقہ مانہہ جاری سانجی کاروائی غے دوران دہشت گرداں سنگ یوہ تصادم پیش آیو بے سلامتی دستاں نے علاقہ غی کیرہ بندی کرلی بے تے ٹاکرو جاری بے واضع رہ جے سلامتی دستاں نے چھاترو غا اس برفانی علاقہ مانہہ کل دہشت گردی مخالف کاروائی تیز کردتی تھی تانجے جیش محمد تنظیم غا ان 3 دہشت گرداں غو پتو لایو جاسکے گزشتہ 18 جنوری نانہہ دہشت گرداں غے خلاف شروع کی گئی اس کاروائی غے دوران کئی چھڑپ بوئی این۔ پیش بے اس بارے مانہہ مارا ضلع نامہ نگار غی یاہ رپوٹ۔

\*\*\*\*\*

#### SPL TRAIN

شمالی ریلوے نے اج شری ماتا ویشنو دیوی کٹرا تے سرینگر غے بشکار ایک خاص ریزرو ریل چلائی تانجے مسافراں نانہہ سہولت دتی جاسکے، کیونجے موسم خراب ہون غی وجہ تیں ہوائی سفر تے سڑک غا رستہ متاثر بو رپیا بین۔ آکاشوانی جموں غا نمائندہ غے مطابق یاہ تیجی ایسی خدمات بے جھپڑی جلدی چلائی گئی، پچھلے دو خاص ریل 27 تے 28 جنوری نانہہ چلیں تھی تے اُن مانہہ مکمل مسافر موجود تھا، سنئیر ڈویژنل کمرشل منیجر جموں اُچت سنگھل نے کہیو کہ یاہ خاص ریل دوبارہ تیں چلائی جارئی بے کیونجے مسافر ان گو ہوائی تے سڑکاں غو سفر متاثر بوو بے۔ پچھلی ریلان مانہہ 100 فی صد تیں زیادہ مسافر موجود تھا۔

\*\*\*\*\*

#### MP PMGSY ROADS

اننت ناگ راجوری پارلیمانی حلقہ تیں رکن پارلیمان میاں الطاف احمد نے اج راجوری ضلع غا بُدھل تے تھنہ منڈی اسمبلی حلقاں مانہہ پردھان منتری گرام سڑک یوجنا غے تحت کئی سڑکاں غی سنگ بُنیاد رکھی۔ اس غے نال ہی اُنہاں نے اس سکیم غے تحت مکمل بو چُکی کئی سڑکاں گو وی افتتاح کیو۔ اُن لائین

افتتاحی تقریب ڈاک بنگلہ راجوری تیں منعقد ہوئی، جس مانہ راجوری، بدھل تے کوٹرنکا اسمبلی حلقاں گا اراکین اسمبلی موجود تھا۔ اس موقع ور رکن پارلیمان نے راجوری ضلع گا ترے اسمبلی حلقاں مانہ 7 مکمل سڑکاں غو مجازی طور ور افتتاح کیو تے 24 نوی سڑکاں غی سنگ بُنیاد رکھی۔ ذرائع ابلاغ سنگ گل کرتا واں میاں الطاف احمد نے کہیو کہ یے سڑکیں دیہی علاقاں غی ترقی واسطے بہت اہم ہیں تے ان تیں عوام نانہ آمدرفت مانہ سہولت لبے۔

\*\*\*\*\*

### SPARSH RAMBAN

رام بن ضلع انتظامیہ نے سپرش ناں غی ایک 15 روزہ آگاہی مہم شروع کی۔ جہڑی عالمی جزام تہاڑا گا موقع ور ہے۔ حکومت نے فیصلو کیو بے کہ 30 جنوری تیں 13 فروری توڑی پورا ملک مانہ جزام غا بارا مانہ آگاہی مہم چلائی جے غی، تانجے بیماریاں نانہ جلد پہچان مل سکے تے علاج ممکن بوسکے۔ صحت محکمو، کمیونٹی نانہ شامل کرریو بے تانجے مہم کامیاب وے، انتظامیہ نے عوام تیں کہی و بے کہ وہ جزام غا خاتمہ غی کوشش مانہ تعاون کریں۔ اگر جزام جدل پکڑیو جے تاں یوہ مکمل طور ور ٹھیک بوسکے۔ ضلع غا بلاک تے اسپتالاں مانہ وی اس طرح غا آگاہی پروگرام منعقد کیا گیا۔ اس بارے مزید تفصیلات سانجہ کرتا واں سی۔ ایم۔ او، رامبن ڈاکٹر کمال جی زادو نے اس طرح کہیو۔

\*\*\*\*\*

### ROAD RESTORATION

بارڈر روڈ آرگنائی زیشن نے اج جموں کشمیر گا دوڈہ کشتواڑ خطہ ناں ہماچل پردیش سنگ جوڑن آلی 112 کلو میٹر لمی سڑک غے نال سڑک رابطہ ناں بھال کیو بے جہیڑو پشہلے ہفتے شدید خراب موسمی صورتحال تے برف باری غی وجہ نال بند ہوگیو تھو کشتواڑ سناسر سڑک جس ور رابطہ سڑک گی بحالی غو کم مکمل ہوو مرکزی زیرانتظام علاقہ سنگ جوڑے اس ور 22 تے 23 جنوری غے دوران ہون آلی 4 تیں 5 فٹ غی شدید برف باری ہوئی تھی بی۔ آر۔ او غی ٹیم

کشمیر ناں جموں خطہ سنگ جوڑن آلی مُغل شاہراہ ور وی برف بٹان گا کم ناں  
تیزی سنگ کررئی ہے تانجے شاہراہ ناں تاواں تیں تاواں کھولیو جاسکے۔

\*\*\*\*\*

## SARTHAL WINTER FEST

کٹھوعہ غا برف تیں ٹھکیہ پہاڑاں مانہہ سرتھل سرمائی میلو 8 فروری نانہہ  
منايو جے غو۔ جھپڑو ثقافت، روایت تے سردیاں غی خوبصورتی نانہہ دسے گو۔یہ  
تقریب، محکمہ سیاحت غا ڈائریکٹوریٹ غے نال ضلع انتظامیہ کٹھوعہ تے بنی،  
بسروی ترقیاتی اتھارٹی غی مشترکہ کوششاں غے نال منعقد کی جارئی ہے۔ میلہ  
مانہہ رنگین ثقافتی کارکردگی، روایتی کہانی، مقامی کھان غی اشیاء تے بُنر  
کاری غی نمائش شامل وے غی۔ حُکام نے مقامی لوکاں تے سیاحاں نانہہ  
مدعو کیو ہے کہ وہ بڑی تعداد مانہہ اس مانہہ شرکت کریں تے اس میلہ غو  
لطف چائیں۔ اس پُر جوش مقامی شخص نے اس طرح کہیو۔۔۔۔۔

\*\*\*\*\*

## SARAS MELA

جموں کشمیر گرائیں روزگار مشن جے۔ کے۔ آر۔ ایل۔ ایم وسیع سرس میلو منعقد  
کرریو ہے۔ یوہ سرس میلو 2026، اج تیں شروع بوغے آئیندہ فروری مہینہ  
غی 9 تاریخ توڑی جموں غا کلا کیندر مانہہ جاری رے غو۔ یوہ 10 تہاڑہ غو میلو،  
بھارت غا دیہی تخلیق کرن غی صلاحیت نانہہ دسے غو۔ قومی سطح غا اس  
میلہ مانہہ، ملک بھر غی خواتین کاروباریاں نانہہ مدعو کیو گیو ہے۔ تے زائرین  
نانہہ بھارت غا مُختلف بُنر، رنگ، ثقافت تے روایت غو تجربو کرن غو موقعو  
لیے گو۔ پیش ہے اس بارا مانہہ ایک ریوٹ۔

\*\*\*\*\*

## JKBOSE REGISTRATION RETURNS

جموں کشمیر سکولی تعلیم بورڈ نے جموں ڈویزن گرمائی ذون غا 9 ویں جماعت  
غا طالب علماں واسطے آن لائن رجسٹریشن کران غی تاریخاں غو شیڈیول جاری  
کردتو ہے آن لائن اندراج غو یوہ عمل 2 فروری نانہہ شروع بوغے 3 مارچ نانہہ  
اختتام پزیر ویگو۔ اس خاطر فیس 670 روپیہ مقرر کی گئی ہے 3 مارچ غے بعد 2

اپرل توڑی لیٹ فیس جمع کران غی صورت مانہ اندراج بو سکے غو۔ بورڈ نے تمام متعلقہ اداراں نانہ بروقت آن لائین فارم جمع کرن غی ہدایت کی ہے، بورڈ نے تمام متعلقہ تعلیمی اداراں نانہ صلاح دتی ہے جے، وے فارم جمع کیا جان تیں پہلاں فارم تیں متعلقہ تفصیلات غی جانچ کرلیں۔

\*\*\*\*\*

#### WEATHER UPDATE

محکمہ موسمیات غو کہنو ہے، پہلی فروری توڑی، مرکزی زیر انتظام غا کئی علاقاں مانہ تیز ہواواں غے نال ہلکی تیں درمیانہ درجہ غی بارش تے برف باری بو سکے۔ تے 2 فروری غی رات تیں 3 فروری غی سویر توڑی برف باری بارے امکان ہیں۔ حکام نے برف تیں متاثرہ علاقاں گا رہائشیاں تے مسافراں نانہ سرکاری ہدایات ور عمل کرن غی صلاح دتی ہے۔

\*\*\*\*\*

NEWS READ BY NUSRAT

NEWS READ BY TARIQ ABRAR

NEWS EDITOR KUNAL SHRIVATSA

SKILLED RAJAT

TECH ASST QUDRAT

DEO NUSRAT